

جَزَائِرِ حَاكِمِيَّة

— جمعه ایرتسی —

نومرو	جمادی الاخر	سنه	تشرین ثانی	سنه	هجریه
۸۵۰	۱۳	۱۳۱۳	۱۸	۱۳۱۱	۱۱۹۱۷

(اشبو غزته بهر هفته جمعه ایرتسی کونلری چیقار . سنه لکی درسعات ایچون مجیدیه یکر می فروش)
 (حسابیه التمش غروشدر . طشره لر ایچون اون بش غروش پوسته اجرتی ضم اولنور . بهر)
 (نسخه سی یننه مجیدیه یکر می فروش اولوق اوزره یوزپاره یه هر یرده صاتیلور . درج اولنه جق)
 (اعلاناتک هر برندن بر مجیدیه اخذ اولنور . سنه لکنه مشتری اولوق استیانلر عدلیه نظارتی)
 (دایره سنده کائن جریده محاکم اداره سنه مراجعت ایملیدر)

مدعی عمومیک مأموریت علیه سنک مطالعه نامه سی
 التهرق اصول محاکمه حقوقیه قانوننک ایکوز
 یکر می طقوزنجی ماده سی موجبجه تدقیقات
 تمیزیه اجرا سنه ابتدار اولندی .

قسم غیر رسمی

اعلام مذکورک خلاصه مالی مزبوره
 عفت وفهیمه وخاتم خاتملر تحت وصایته بولاند
 قلمری هنکامده وصی مزبوری طرفندن ایکی
 قطعه سندله صامسون روم کلیسای نامنه افراض
 ایداش اولان التیوز اوتوز بر یحقی ایرانک
 فائضیه بالغ اولدانی بیاک ایکیز التمش اوچ

طریزون استیناف محکمه سندن ۱۰ مارت
 سنه ۳۱۰ تاریخی وبر عددی ایله ویریلان
 اعلامک تمیزینی استدا ایدن ااماسیه وصامسون
 روم متره پولیدی اتمبوس افندی ایله مدعی
 علیهم صامسونده ساکنه توقادی زاده متوفی
 عثمان صبری افندیک کریمه لری عفت وفهیمه
 وخاتم خاتملر یوم معینده دایره کمدکارندن باش

لیرای عثمانینک مذکور کلیسا اموالندن اولوق اوزره متره پولید مومی الیه اتیموس افندیدن تحصیلنه دائر طریزون استیناف محکمه سندن اعطا قلنان اعلام عند التیمیز مدعی عمومینک حین محاکمه ده حاضر بولنامسندن طولانی نقض واعاده قلمنسی اوزرینه محکمه مذکورجه مأمور مومی الیهک حضوریه بتکرار اجرا قلنان محاکمه وتدقیقات نتیجه سنده متره پولید مومی الیه وکیلنک اعلام ابتدائینک رأساً تدقیقی حقننده درمیان ایلدیکی ادعائک ردیه مبلغ مذکورک متره پولید مومی الیهدن تحصیلنه حکمدن ومستدعی تمیز اتیموس افندیکنک اشبو حکم علیهنده کی اعتراضاتنک باشلوجه سی حکم سابق متضمن اعلام مدعی عمومینک اثنای محاکمه ده حاضر بولنامسندن ناشی نقض ایدلش واعلام مذکورک او نقطه دن نقض ایدیلشی احکام سائر سنک دخی رأساً رؤیتی مستلزم بولنش ایکن یالکیز مأمور مومی الیهک مطالعه سی الهرق بر منوال محرر قرار ویرلمسی مغایر قانون اولدیغندن بحمله اعلام مذکورک نقض استدعاسندن ومدعی علیهمک لایحه لرنده مندرج نتیجه جوابلری اعتراضات واقعه نک واهی و بی اساس اولدینی بیانیله ردی وموافق اصول وقانون اولان اعلامک تصدیقی

طلبندن وائف البیان مطالعه نامه نک مفادی دخی محکمه تمیزدن مقدما ویرلمش اولان اعلامده محرر نواقصی بوکره اکیال ایتدیرلمش اولمسنه مبنی اعتراضات واقعه نک موافق قانون کوریه مدیکی بیانندن عبارت بولمشدیر .

ایجابی لدی المذاکره اعلام مذکور مالندن منقهم اولدینی اوزره بوایشه دائر مقدما دائره دن تنظیم واعطا قلنان اعلامده بیان وایضاح اولدینی وجهله دعوی واقعه نک طریزون استیناف محکمه سنجه رؤیت وتدقیقی اولدینی صبرده مدعی عمومینک حضورینه ومطالعہ سنک اخذ واستماعنه اعتنا اولتمه سزین حکم ایدلش ومدعی عمومینک حضوری لازم کلان محاکمه ده حاضر بولنر ایسه قانون دائره سنده تشکیل طرفین اولنالمش اوله جقندن جریان ایدن محاکمه کآن لم یکن حکمنده بولمسنه بناءً محکمه مذکورک حکم واعلام سابق نقض ایدیلرک مدعی عمومینک حضوریه یکیدن اجرای محاکمه ایدلک ومأمور مومی الیهک مطالعه سی الهرق اساس دعوی تحت حکمه آلتیق اوزره اعاده قلمنش اولدینی حالده محکمه استینافیه جه یکیدن محاکمه اجرا قلنم سزین یالکیز مدعی عمومینک مطالعه سی

النوب حکم سابق مبین اعلام ویرلمسی بولسز واصول وقانونه مغایر ومستدعی تمیزک اعتراضی دخی بوجهته متدائر اوله رق موافق نفس الامر کورنش اولدیغندن اصول محاکمه حقوقیه قانوننک ایکیوز اوتوز ایکنجی ماده سی موجبجه اعلام مذکورک نقضیه قانون مزبورک ایکیوز قرق دردنجی ماده سی حکمنه توفیقاً کیفیتک مدعی عمومی حضوریه یکیدن بالرؤیه اعلامه ربطی ضمننده محکمه مذکورک به اعاده سنه وزیرده مفرداتی محرر بشیوز بر غروش مصارف تمیزیه نک ایلروده حقسز چیه جق طرفه رجوع ایتک اوزره اول امرده مستدعیدن الخمسنه ۱۱ اغستوس سنه ۳۱۱ تاریخنده متفقاً قرار ویرلدی .

فیلورینه بدایت محکمه سندن ۶ اغستوس سنه ۳۱۰ تاریخی ویکرمی درت عددی ایله ویریلان اعلامک تمیزانی فیلورینه قصبه سنده جامع عتیق محله سنده ساکن اصحاب علاقه دن نوری وبسم افندیلر باعرضحال طلب واستدعا ایدلکری حالده یوم معینده دائره یه کلامش ایسه لرده مدعی علیه محله مذکورده مقیم ملتزم

اعلام مذکورک خلاصه مآلی مزبور حایم بکک جهت التزامدن طولانی مرقومان نوری وبسم افندیلر ذمتلرنده الاجنی اولان اون درت بیک کسور غروشک اصالت وکفالت جهتیله تحصیلنی طلب ودعوی واولبابده کی مقاوله نامه بی ابراز واعطا ایتدکدن وبرددرجه یه قدر محاکمه وجاهیه لری اجرا قلنهرق اخیراً وقوعبولان دعوته مدعی علیهما جانبندن اجابت قلنا مومی اوزرینه محافظه حقوقلری ضمننده محکمه جه بر وکیل مسخر تعیین قلندقدنصکره حضوریه جریان ایدن محاکمات وتدقیقات نتیجه سنده اعشاردن طولانی مدعی علیهما مرقومانک اون درت بیک کسور غروش مدعی حایم بکک دینلری اولدینی ومبرز مقاوله نامه زیرنده موضوع مهر دخی مرقومانک مهر ذاتیلری ایدوکی لدی الاستعلام مقاولات محررلکنده بولنان مهر ذاتیلریله توافق ایتمش اولدیغندن منقهم اولمسیله محله نک بیک یدیوز اوتوز النجی ماده سی موجبجه مبلغ مذکورک مع فائض بالغ اولدینی

اون بش بيك يديوز سكران بش غروشك
اصيل نوري افندي ايله كفيل بسيم افنديدن
تحصيله ومستدعي تمين نوري وبسيم افنديلك
اشبو حكم عليهنده لايحه لرنده محرر اعتراضاتك
خلاصه لري كندولرينك محكوميتنه سبب اتخاذا
قلنان مقاوله وكيل مسخر جانبندن زيرنده كي
مهرلري انكار ايدلسي اوزرينه محكمه جه بونك
اهل خبريه حواله سيله تبين ايتديرلك ايجاب
ايدر ايكن مقاولات محرر لككنك يازمش اولديني
نذ كره سنه عطفاً حكم ايدلسي يولسز ومغاير
قانون اولديغندن بختله اعلامك تقضى استدعا
سندن ومدعي عليه حليم بك وكيلى عادل بكك
نتيجه اجوبه سي ايسه اعتراضات مسروده نك
واهي وبى اساس اولديني بيانيله ردى وموافق
اصول وقانون اولان اعلامك تصديق طلبندن
عبارتدر .

ايجابى مذا كره اولندوقده اعلام مذكور
مطالعاه سندن مفهم اولديني اوزره حكمه اساس
اتخاذ قلنان مذ كور مقاوله نامه زيرنده موضوع
بولنان مهر وكيل مسخر جانبندن عند الحاكمه
انكار ايدلسي اولسي جهته اصول محاكمه حقوقيه
قانونك تطبيق خط وخاتم قاعده سنه توفيقاً مهر

ادرنه ولايتى استينافى محكمه سندن
۱۹ تشرين ثاني سنه ۳۱۰ تاريخى ويكرمي طقوز

عددى ايله و بريلان اعلامك تمين بخي استدعا ايدن
كوملنجه قضا سناك ماردينه قريه سنده ساكن
بقال يوركي اوغلي اوستويان ايله مدعي عليه
قضاء مذ كورك قره اغاج قريه سنده مقيم ماري
اوغلي ياباس طودوري يوم معينده دائره به
كمدكرندن اصول محاكمه حقوقيه قانونك ايكيوز
يكرمي طقوزنجي ماده سي موجبجه تدقيقات تمينيه
اجراسنه ابتدار اولندي .

اعلام مذ كورك خلاصه مالى مرقوم
طودوري طقوزسنة مقدم بكر قريه سي حدودنده
واقارلر نام موقعده مصارفاتي مزبور اوستويان
طرفندن تسويه اولنق وعمله نك ما كولات
ومشروباتيله نظارتى كنديسنه طائد اولق ومصاد
رفات واقعه بعده حاصل اوله جق ايجاردن
محسوب ايدلك واقضا ايدن حرقى كندو سنك
متصرف اولديني ترلا سندن يوز اللى خطوه
يكورلك وحق تصرفي بينلرنده مناصفه مشترك
اولق شرطيله مجدداً انشا واحداث ايلدكلى
برطاش دوران ايتديرر دقيق دكرمانى مرقوم
اوستويان طقوز سنه وبلاسب ضبط ايله سنوي
يكرميشر ليرادن تراكم ايدن يوز سكران ليرا
بدل ايجارك طقسان ايراسى مصارف انشائيه به

بعدالمحسوب متباقى طقسان ليرادن كندو حصه
مصيبيه سي اولان قرق بش ليرا ايله مذ كور
دكرمانك نصف حصه سنى دخى كندوسنه تسليم
ايتماكمده اولديغندن بختله مذ كور قرق بش
ليرانك تحصيليله منازع فيه نصف دكرمانك
تصرفه دائر اولان سناك اعطاسى خصوصتك
تحت حكمه التمسى ضمننده كوملنجه بدايت
محكمه سنه مراجعتله مرقوم ياباس طودوري
طلب ودعوى و اوچ قطعه طابو سنى ابراز
واعطا ايتسنة قارشو عند الحاكمه مدعي عليه
مزبور اوستويان دخى صورت ادعائى كليا انكار
ايله برابر قريه مذ كوره حدودى داخلنده باسند
خاقانى متصرف اولديني اراضيسى اوزرينه برباب
دكرمان انشا ايتديكي كبي جوارنده بولنان
اراضيله بر كونه ضرر ايراث ايتديكى مشعر
قريه نك امام ومختارانيه مرقوم ياباس طودورك
امضاسى حاوى اولديني برقطعه شهادتنامه ايله
تصرفتى متضمن برقطعه طابو علم وخبرى ابراز
وارائه ايلمسى اوزرينه جريان ايدن محاكمات
وكشف وتدقيقاتده مدعي مرقوم دعواى واقعه
سنى اصولى دائره سنده اثبات ايده مديكى كبي
بالسؤال طالب تحليف دخى اولديغندن محله نك
بيك سكر يوز اون طقوزنجي ماده سي موجبجه

بویابده کی ادعایک ردیله مدعی علیهک معارضه دن
منعنه دایر محکمه مذکورده دن صادر اولان اعلام
محکمه مرقوم طودوری عدم قناعتله استیناف
محکمه سینه بلراجعه تصدی ایلدیکی استیناف
دعواسی اوزرینه جریان ایدن محاکمات و تدقیقات
نتیجه سنده طرفین مخاصمینک قرا اهاایسندن
اولسی جهته وقوعی ادعا اولنان شرکتنک سنده
عدم مربوطیتی بوکی معذرته مبتی اولوب
اولدینی تحقیق اولقمسزین اقامه شهود ادعاسنک
رد اولمسی و محکمه جه کشف و معاینه لزوم
کورلدیکی تقدیرده اعضادن برینک نائب تعیین
قلنه رق انک معرفتیه کشفک اجراسی لابد ایکن
محکمه باشکاتبنک نائب تعیین ایدلسی وائسای
محاکمه طرفیندن ابراز اولنان اوراق و سنداتک
عیناً و یا خلاصه ضبطه کچورلماسی و مستأنف
مرقوم پاپاس طودورینک بدایه وکیل بولنان
سلیمان بک محندن جلب و مطالعه اولنان
وکالت سندنده عین تکلیفنه قطعاً مأذونیتی اولدینی
حالده عین تکلیف ایتدیکی و اخیراً دخی فراغت
ایلدیکنک سر رشته سیله مذکور شرکت دعوا
سنک ردینه قرار ویرلمسی اسبابنه بناء اعلام
مذکورک فسخیله دعوانک اصول و قانون
دائرة سنده رؤیت و حکم اولمسی ضمننده بدایت

ردی و موافق اصول و قانون اولان اعلامک
تصدیقی طلبندن عبارت بولمشدر .

ایجابی مذاکره اولندقدده اعلام مذکور
مطالعه سندن مفهم اولدینی و بالاده تفصیل و بیان
ایدلیکی اوزره درجه اولی محکمه سندن ویریلان
اعلامک عند الاستیناف فسخیله ا کمال نواقصی
ضمننده مذکور بدایت محکمه سینه اعاده سینه قرار
ویرلمش ایسه ده اصول محاکمه حقوقیه قانوننک
ماده مخصوصه سنده محرر اولدینی اوزره بومقوله
بدایه قطعی صورتده ویریلوبده استینافاً فسخی
ایجاب ایدن اعلاماتک فسخیله ا کمال نواقص
ایتمک هر حالده ینه استیناف محکمه سینه عائد اولسی
و محکمه جه طرفینک اساس ماده حقنده محاکمه
لرینک اجراسیله حاصل اوله حق حاله کوره
بوراسنک نظر اعتباره القمسزین ا کمال نواقص
ضمننده دعوانک بدایت محکمه سینه اعاده سینه قرار
ویرلمسی بولسز و اصول و قانونه مغایر اولدینه
و مستدعی اوستویانک اعتراضی دخی بوجهته
متداثر اوله رق شایان قبول بولندینه بناء اصول
محاکمه حقوقیه قانوننک ایکوز اوتوز ایکنجی
ماده سی موجبجه اعلام مذکورک تفضیله قانون
مذکورک ایکوز قرق دردیجی ماده سی حکمه توفیقاً

کیفیتک قانون دائرة سنده بالرؤیه اعلامه ربطی
ضمننده محکمه مذکورده به اعاده سینه وزیرده
مفردانی مرقم درتیوز اون درت بچق غروش
مصارف تمیزیه نک ایلروده حقسز چیه حق طرفه
رجوع ایتمک اوزره اول امرده مستدعی
مرقومدن الخمسینه ۳۰ اغستوس سینه ۳۱۱
تاریخنده متفقاً قرار ویرلدی .

تمیزل طرفندن ویریلوب ایکنجی محکمه
تجارتجه تسجیل و تصدیق قلنان ۱۷ مارت
سینه ۳۱۰ تاریخی ورقه حکمیه نک تمیزینی استدعا
ایدن سلوری قپوسنده عربجه بایزید محله سنده
مقیم عربجه اصنافندن خلیل اوغلی نعمان اغا
یوم معیننده دائرة به کلیوب مدعی علیه محل
مذکورده ساکن قبا حصیر طقوما جیلرندن
رشید اغانک ورود ایش اولسیه ایضاحات
شفاهی سی استماع قلندقدنصکره تدقیقات تمیزیه
اجراسنه ابتدار اولندی .

مذکور ورقه حکمیه نک خلاصه مالی
مزبور رشید اغا ایله نعمان اغا بیننده کی شرکت
محاسبه سنک رؤیتی ضمننده ایکنجی محکمه تجارتدن

يازيلان تذکره موجباً طرقيدن ميزلر تعين اوله رق اوچنجي اولمق اوزره محکمه جه تعين ايديلان ميزلر دخی برلکده اوله رق محاسبه واقعه بالرؤيه طرفينک اسکی ويکی زغره پنايرندن اشترا ايدوب فروخت ايتش اولدقلى حيو- ناتدن التمش دوت ليرا کار وقوعبولش و محله و قوعی بيان اولنان بيک سکز يوز يتمش دوت غروش مصارف مدعی طرفندن تصديق اولدینی جهته بونک قتمه محسوبی اجرا قلندینی کی در سعادته صايلان حيوانانندن طولانی ایکی بيک يديوز ایکی غروشك صرفنی مدعی علیه حضور محکمه ده اثبات ایلدیکی حالد مذکور التمش دوت لیرادن محسوبی مقتضی اولدینی کی اثبات اوله مدینی تقدیرده دخی التمش دوت لیرانک نصفی اولان اوتوز ایکی لیرانک شرکت مذکورده دن مدعی مزبور رشید افا حصه سته اصابت ایدن منافعه سرمایه دن متباقی ادعا اولنان اون ایکی لیرانک مدعی علیه نعمان افا طرفندن ویرلديکنه دائر هیچ بر صورتله ادله واثبات بیان اولنه مدیقندن مذکور اوتوز ایکی لیرایه ضم اوله رق جمعا قرق دوت عدد لیراسنک اجرت ميز ايله برابر مع فائض و مصارف محاکمه مدعی علیه مزبور نعمان اغادن بالتحصيل مزبور رشید

اغابه اعطاسنه دائر ویریلان قرارک ایکنجی محکمه تجارته تسجیل و تصدیقه حکمدن و مستدعی تمیز نعمان اغانک اشو حکم علیهنده لایحه سنده محرر اعتراضاتک باشلوجوسی ميزلر طوغریدن طوغری به بر حکم ویرمک ايله مکلف ایکن کیفیتک برجهتک محکمه به حواله اولنمی مغایر قانون اولدیندن بجنله اعلامک نقضی و مدعی علیه رشید اغانک نتیجه جوابی دخی حکم واقع اسباب موجبیه مستند و اصول و قانونه موافق اولدینی بیانیله اعتراضات واقعه نک ردی و اعلام مذکورک تصدیقی استدعاسندن عبارت بولنشد.

اول امرده اعلام ميز به حکمک قابل تمیز اولدینی اکثریت ارا ايله تحت قراره الندقدن صکره اساس ماده نک ایجابی مذاکره اولندقده اعلام مذکور ممدراجانندن منفعه اولدینغه کوره دعوی واقعه شرکتدن متولد اولوب بومقوله شرکت دعوا لرینک ميزلره حواله سی اقتضا ایتدیکی حالد خرج تعرفه سنک یکریمی درنجی ماده سنده محرر اولدینی اوزره بر قطعه اعلام تنظیم ایدلمسی اقتضا ایتدیکی حالد کیفیتک تذکره ايله ميزلره بیلدیرلمسی قانونه مغایر اولدینی کی

اوچنجی ميزلر طرفیندن انتخاب قلندینی تقدیرده طرفین ميزلری جانبندن وانلر دخی تعین ایده مدکری تقدیرده محکمه جانبندن تعین ایدلمک مقتضیات احکام قانونیه دن ایکن مذکور اوچنجی ميزک بوصورتله تعینی تصریح قلنامسی و قانون تجارتک قرق طقوزنجی ماده سی موجباً طرفین ميزلری بیننده اختلاف ارا وقوعنده اوچنجی ميزک بیان رأى ایتیمی ایجاب ایدر ایکن طرفین ميزلره معاً مذاکره و اعطای رأى ایللمسی و ميزلر کندولرینه حواله اولنان خصوصاتی کلیاً تدقیقه مأمور ایکن دعوی واقعه نک قسماً رؤیتندن صرف نظرله محکمه به حواله اولنمی قانونه مغایر و مستدعینک اعتراضی موافق نفس الامر اولدینغه بناء اصول محاکمه حقوقیه قانوننک ایکیوز اوتوز ایکنجی و ایکیوز قرق برنجی ماده لری موجباً اعلام مذکورک نقصنه و ایکیوز قرق درنجی ماده سی حکمنه توفیقاً کیفیتک صور محرره دائره سنده یکیدن ميزلره حواله اولنمق اوزره محکمه مذکوریه اعاده سته وزیرده مفرداتی محرر درتیوز اون طقوز بچق غروش مصارف تمیزیه نک ایلروده حقسز چقه جق طرفه رجوع ایتمک اوزره اول امرده مستدعی تمیز نعمان اغادن اخذ واستیفای

لزو منه ۲۸ ایلول سنه ۳۱۰ تاریخنده متفقاً قرار ویرلهرک تفهیم قلندی .

ار کوب بدایت محکمه سندن ۷ تشرین ثانی سنه ۳۱۰ تاریخى ویکرمی یدی عددی ايله اعطا قلنان اعلامک تمیزی استدعا ایدن غلطه ده قره کویده بلدییه کلبه سنک اتصالنده ساکن قهوه جی سلیمان اوغلی حاجی احمد افا ايله مدعی علیه ارکوب قصبه سنده مقیم صرافانندن قبودان اوغلی روپل یوم معینه دائره به کلدکاری کی جواب لایحه سی دخی کوند رملد یکمندن اصول محاکمه حقوقیه قانوننک ایکیوز یکریمی طقوزنجی ماده سی موجباً تدقیقات تمیزیه اجرا سته ابتدار اولندی .

اعلام مذکورک خلاصه مالى مرقوم روپل ایکی قطعه سند موجباً مزبور حاجی احمد افا ايله شریکی محسن ذمتنده با سند مطلوبی اولان الملی دوت عدد لیرای عثمانینک مع فائض تحصیلی و مدیون مرقومانک اموالنه وضع ایللمش اولدینی جزک تصدیقی طلب و دعوی ایتیمی ولاجل

الحاکمه اولنان دعوته مرقوم محسن اجابت ایدوب
مزبور احمد اغانک یوم معینه کلامسی اوزرینه
غیابنده وکیل مسخر تعیینله جریان ایدن محاکمه
وتدقیقات نتیجه سنده مبالغ مدعا بهادن غائب
مرقوم حاجی احمد اغایه عائد اوتوز ایکی لیرا
حقنه اغای مرقوم اعتراض علی الحکم ایله دین
ومهرنی بالذات انکاری حالنده تطبیق خط
وخاتم قاعده سنه عند الطلب تحلیفه تعلیقاً مزبور
اوتوز ایکی عدد لیرای عثمانیک مزبور حاجی
احمد اغادن و دیگر مدعی علیه حاضر محسن اغا
کندوسنه عائد یکریمی لیرایی اقرار ایتیمسیله
بر موجب سندات فائض نظامیسیله معاً مزبور
محسن اغادن تحصیلیه مدعی مزبور حاجی روپله
تسلیمه وجز موضوعنک تصدیقه واموال
محجوزهنک بالمزایده فروختیله اتمان حاصله سندن
تسویه دیون اولنسنه وحکم مذکورک موقه
اجراسنه حکمدن ومستدعی تمیزک اشبو اعلام
علیهنده لایحه سنده محرر باشلوجه اعتراض وکیل
مسخر حضوریه اجرا قلنان محاکمه ده مدعی
دعواسنی اثباته مجبور ایکن اثبات ایتدیرلیه رک
اعتراض وقوعنه ویمینه تعلیقاً حکم اولنسی
مخالف قانون اولدیغندن بحکله اعلامک نقضی
استدعاسندن عبارت بولنشدور .

مفرداتی مرقم درتیوز قرق طقوز بچق غروش
مصارف محاکمه نك ایلروده حقسنر چیه حق
طرفه رجوع ایتک اوزره اول مرده مستدعی
تمیزدن النسنه ۱۶ اغستوس سنه ۳۱۱ تاریخنده
متفقاً قرار ویرلدی .

کوتاهیه بدایت محکمه سندن ۲۱ مایس
سنه ۳۰۸ تاریخی ودرت عددی ایله ویریلان
اعلامک تمیزینی کوتاهیه ده اطراف شهر ناحیه سنه
تابع کلین قیاقریه سی اهایسندن سلیمان و ابراهیم
وحسین وحسن طرفلرندن با عرضحال استدعا
قلندینی حالده یوم معینه دائره یه کلیوب مدعی
علیه کوتاهیه ده ساکن محبی زاده عبد الرحمن
افندی ورود ایتیمسیله ایضاحات شفاهیه سی استماع
قلندقدن صکره تدقیقات تمیزیه اجراسنه ایتدار
قلندی .

اعلام مذکورک خلاصه مالی مزبور
عبد الرحمن افندی کوتاهیه جوارنده کائن معلوم
الاسامی شرکاسی ایله باطایو عهده تصرفنده
بولنان کلین قبانام چفتلک مربوطاتندن اولوب

مجدداً کشادیه طاپوسی اولدینی معلوم الحدود
والمقدار اراضیسنه مرقوم سلیمان ورفقاسی
طرفلرندن وقوعبولان مداخله نك منعی طلب
ودعوی و اوچ قطعه تمسک ایله برقطعه حدودنامه
ابراز و اعطا ایتیمسنه قارشو عند المحاکمه مدعی
علیه مرقومون دخی منازع فیه اراضی بوز
وخالی ایکن مدعی مزبورک کشادنن اوچ سنه
اول کندولری احیا وترلا کشادیه زراعت
ایلدکلرینی مدافعه درمیان ایتمشلرسده اولیابده
جریان ایدن محاکمه وتدقیقات نتیجه سنده منازع
فیه اراضی مدعی مزبورک تحت تصرفنده اولدینی
سندات مبرزه ایله ثابت اولوب مدعی علیهم
مرقومونک محل مذکورده حق قرار لری ثابت
اوله مدینی کبی برکونه سند دخی ابراز ایده
مدکلرینه بناء اراضی مذکورده مدعینک
حصه سنه مدعی علیهم جابندن فضولی وقوعبولان
مداخله نك منعه حکمدن ومستدعی اشبو حکم
علیهنده لایحه لرنده محرر اعتراضنک خلاصه سی
منازع فیه اراضی مدعی مرقومک متصرف
اولدینی اراضی حدودندن خارج اوله رق سائر
لرینک ارثاً ملککری اولدینی حالده کندولرینه
فراغ ایدلدیکی بدایه درمیان ایدلش ایکن
بوراسنک نظر دفته النامسی وحکمک مستند الیهی

عبدالرحمن افندين النسخه ۴ تموز سنه ۳۱۲
تاريخنده متفقاً قرار ويرلدى .

اعلان

عليه خانمك ۳۱۲ نومروسيله مقيد اعلام
موجببنجه جلب قوچو جاني ذمتنده مع مصارف
حماكه الهجفك تأمين استيفاسي ضمننده مديون
مرقومك بر طاقم اموال منقوله سنك جزى تحت
قراره الخمش اولديغندن شهر جارينك اون ايكنجى
بازار كوني طويخانه ده بات بازارنده بلزايده
فروختنه تشبث اولنه جفندن طالب اولانلرك يوم
مذكورده ساعت التى راده لرنده محل مذكوره
حاضر بولملى اعلان اولنور .

۸ تشرين ثاني سنه ۳۱۱

احمد جودت افندينك محمد رشيد بك وكمال
نجم الدين افندي ذمتلرند قسمت عسكرى
محكمه سندن ويريلان في ۸ محرم سنه ۳۱۳ تاريخلى

سعادتلو رشاد بكك وكيل مصدق بغيچه
قيوسنده جلال بك خائنده ساكن دعوى
وكيللرندن اغوب تربديان افندينك انكلتره
دولتي تبعه سندن اولوب اقامتكاھى مجهول
بولندينى دولت مشار اليهانك در سعادت قونسلا
توسى جانبندن خبر ويريلان موريس هوقان
بازركان عليهنه در سعادت محكمه تجارتي برنجي
محلسنده اقامه ايلديكي فك جز ادعاسنك بيك
اوچيوز اونبر سنه سي تشرين ثانيه سنك يكرمي
سكزننجي صالى كوني ساعت يديده فصل ورؤيت
اولنه جفندن يوم ووقت مزبور ده مدعى عليه
مرقوم موريس هوقان بازركانك بالذات محكمه
مذكوره ده حاضر بولمى ويا خود مصدق سنده
بر وكيل كوندرمى لازم كله چكى شايدكلز
ووكيل دخی كوندرمى ايسه حقنده معامله
قانونيه نك اجرا اولنه جنى معلوم اولق اوزره
تنظيم اولنان دعوتيه ورقه سي محكمه نك
ديوانخانه سنه تعليق اولندينى كې اوراق حوادث
واسطه سيله دخی اعلان كقيته ابتدار قلندى .

في ۲۳ جاذى الاول سنه ۳۱۳

و في ۳۰ تشرين اول سنه ۳۱۱

اعلام شرعى موجببنجه الهجنى اولان مبالغ معلومه
نك تأمين استيفاسي ضمننده مديونان مومى
اليهانك عهده لرنده اولوب مرهون ووكات
دوريه ايله فروختي محكوم بولنان محمود پاشا
جوارنده محمود پاشا جاده سنده واقع يوزطقسان
اوچ نومرو ايله مرقم خفصاف دكاني دروننده
موجود تجافجي وتنكه جي كدكلريله استانبولده
مرجان اغا محله سنده امام على خاني ديمكله عريف
خان دروننده طبقه سفلاده واقع اون طقوز
نومرولى اوطه دروننده موجود اوطه كديكي
بوندن اقدام مزايده به قونيله رق ليراي عثمانى يوز
غروشدن مذكور تجافجي وتنكه جي كديكي
التمش بيك غروش ومذكور اوطه كديكي دخی
اوچ بيك يوز غروش بدل ايله طالبلى اوزرنده
تقرر اتمش اولديغندن يوزده بش ضميله بوندن
دها زياده به طالب اولنلرك اشبو تاريخ اعلاندن
اعتباراً اوتوز بر كون ظرفنده در سعادت اعلا
مات شرعيه اجرا دائره سنه مراجعت ايلملرى
ومدت مذكوره ختامندن صكره مذكور
كدكلر تقرر ايده جك بدل ايله طالبلى عهده سنه
معامله فراغيه سي اجرا قلنه جنى دائره مذكوره
دن اعلان اولنور .

في ۸ تشرين ثاني سنه ۳۱۱

مالیه خزینة جليلة سنك قورنه وسمندره
قربلرينك اوچيوز ايكي سنه سي اعشار التزامندن
طولاي حاجي سايمان افندي زاده حاجي مصطفى
خلوصي وحاجي حسين زاده محمد افنديلره
كفالت ايدن باغچوان خرستو ذمتنده اله جني
اولان مبالغ معلومه نك تأمين استيفاسي ايچون
كفيل مرقومك عهدة تصرفنده اولوب تحت
جزره النان سلوري قوسى جوارنده خانجى
قره كوز محله سنده تربه زقاغنده واقع اون
نومرولى بوستان كدكنك اون سهم حصه شايه
سيله ينه محل مذكوره قوچ ديبك زقاغنده
واقع اون طقوز نومرولى بوستانك يوز يكرمى
سهم اعتباريله اون سهم حصه شايه لرينك تاريخ
اعلانن اعتباراً اون بش كون صكره بالمزايده
فروخت اولنه جني درسمعات اعلامات نظاميه
اجرا دائره سندن اعلان اولنور .

في ۷ تشرين ثاني سنه ۳۱۱

طومنه نك درسمعات بدايت محكمه سي برنجي
حقوق دائره سندن اعطا قلنان اعلام موجبجه
علكساندر كفيلي ديمستوني ذمتنده اله جني اولان
مبالغ معلومه نك تسويه سي ايچون كفيل مرقومك

مالى اولوب اشبو دين ايچون تحت جزره الهرق
فروختي قرار لشدير بلان بالطو و بانطو لونلق
ايچون اغيزلطون تعبير اولنان اثوابلق اون طوب
قماش اشبو تشرين ثانيك اون اوچنجي بازار
ايرتسي كوني چارشوي كيبده زنه جيلر ايچرو
سند بالمزايده فروخته تشبث اولنه جفندن
طالب اولنلرك يوم مذكوره چارشوي مزبورده
حاضر بولنلري درسمعات اعلامات نظاميه اجرا
دائره سندن اعلان اولنور .

في ۹ تشرين ثاني سنه ۳۱۱

عزتلو نجيب بكك احمد شكرى افندي
ذمتنده محكوم به الاجني اولان مبالغ معلومه نك
تأمين استيفاسيچون مومى اليهك متصرف اولدني
سلطان احمد جوارنده كون كورمز محله سنده
تكبه زقاغنده واقع تخميناً اوچيوز طقسان
ارشون عرصه اوزرينه مبنى اخشاب اوچ قاتدن
عبارت اون براوطه وايكي صفه واوچ ابدستخانه
وزمين قاتنده بر اخور واودونلق وايكي قيو
وارقه جهتمده تخميناً اوتوز يدي زراع اچيقلني
وبو اچيقلنك برطرفي مطبخ وديكر طرفي بر
قورنه لي حمام واورته قات ايله اوست قاتندن
دكزه نظارت كامله سي وشهري درتيوز غروش

كيراسي بولان اللي بر نومرولى برباب خانه نك
ربع حصه شايه سنك تاريخ اعلانن اعتباراً اون
بش كون صكره بالمزايده فروخته تشبث
اولنه جني درسمعات اعلامات نظاميه اجرا
دائره سندن اعلان اولنور .

۱۴ تشرين ثاني سنه ۳۱۱

قترينه قادينك پاولى ياني ذمتنده محكوم به
اله جني اولان مبالغك تأمين استيفاسي ضمننده
انتقالاً متصرف اولدني درسمعاتده محسنه خاتون
محله سنده انجيلي زقاغنده بش واون طقوز نومر
ولى ايكي باب خانه ده اوچ حصه اعتباريله بر حصه
شايه سنك جزيله فروختي دايته مزبوره طرفندن
طلب واستندا اولنمسنه بناء تحت قراره النمش
اولمقله تاريخ اعلانن اعتباراً اون بش كون صكره
بالمزايده فروخته تشبث اولنه جني بك اوغلي
اجرا مأموريتي جانيندن اعلان اولنور .

۶ تشرين ثاني سنه ۳۱۱

ديمترينك ابراهيم افندي ذمتنده محكوم به
اله جني اولان مبالغك تأمين استيفاسي ضمننده
صاري يارده يكي محله جاده سنده سكسان اوچ
نومرولى دكانده بش حصه اعتباريله متصرف
اولدني بر خمس حصه شايه سنك جزيله فروختي
داين طرفندن طلب واستندا اولنمسنه بناء تحت
قراره النمش اولمقله تاريخ اعلانن اعتباراً اون
بش كون صكره بالمزايده فروخته تشبث اولنه
جني بك اوغلي اجرا مأموريتي جانيندن اعلان
اولنور .

۷ تشرين ثاني سنه ۳۱۱

ابراهيمك $\frac{۳۱۲}{۸۳}$ نومرو سييله مقيد اعلام
موجبجه بشواجاتو ذمتنده اله جني اولان معلوم
المقدار مبالغك تأمين استيفاسي ضمننده مديون
مرقومك خانه سنده موجود بولنان اشيا سنك
جزى تحت قراره النمش اولديغندن شهر جاري
رومينك يدنجي صالي كوني طوپخانه ده بات
پازارنده مذكور اشبارك مزايده سنه دوام
اولنه جفندن طالب اولنلرك يوم مذكوره ساعت


التي راده لرنده حاضر بولنملاری اعلان
اولنور.



يكي قېو جوارنده اينه بك محله سنك مراخور
جاده سنده بش نومرولى اشجي دكاننده اقامت
واجراى صنعت ايتمكه ايكن بوندن اقدام وفات
ايدن تبعه دولت عليه نك روم ملتندن خرسونك
اسماعيل اغا وقف شريفى اموالندن وقف مذكور
متوايسى ايوب سلطان جامع شريفى امام اولى
كا كف افندى اذنيه استدانه ايلديكى معلوم
المقدار مبالغه مقابل وفاء فراغ ايلديكى مذكور
بش نومرولى دكانده واقع حصه معلومه سنك
اخره فراغيله بدل حاصلندن مبلغ مزبورك
تسويه سى ضمننده مرقوم خرسونك كبير اوغلى
اولوب لنگه ده بلا نومرو خانه ده اقامت ايلديكى
بيان اولنان نيقولى عليه متولى مزبور كا كف
افندى طرفندن اقامه اولنان دعوا دنطولايى
اصولاً تحرير وتنظيم اولنان ورقه دعوتيه
مدعى عليه مرقومك تعين اولنان اقامتگاهنده
بولنه مدينى كې نزهه كيتديكى دخى بيلنه مديكى

محله سى امامى طرفندن وريلان شرحه
بيلدير لمكندن دولايى تبليغ اولنه مامش وبونك
غائب عديله تبليغات لازمه نك غزتلر ايله اعلاني
صورتيله اجرا سنى مدعى مومى اليه طلب ايدوب
بو ايسه اصول محاكمه حقوقه قانوننك يكرمى
التجى ماده سى حكمه موافق بولنش اولديغندن
موجبجه دعاوى واقعه نك رؤيتى ايجون تعين
قلمان اشبو تشرين ثانيا نك يكرمى بشنجه كوفى
مرقوم نيقولينك درسعادت بدايت محكمه سى
برنجى حقوق دائره سنده حاضر بولنسى ضمننده
تنظيم قلمان ديكر دعوتيه ورقه سنك بر نسخه سى
مذكور ماده نك فقره اخيره سنه توفيقاً محكمه
ديوانخانه سنه تمليق قلمش اولديكى كې بر نسخه سى
دخى شو وجهله اوراق حواذله اعلان ايتدير.
لمش اولديغندن يوم مذكورده اثبات وجود
ايتديكى و طرفندن بر وكيل دخى كوندردى مديكى
حاله غياباً رؤيت دعوى اولنه جنى اخطاريله
تبليغات مقتضيه قانونيه ايضا قلدور.

في ١٥ تشرين ثاني سنه ١٣١١



(مطبعة عامره ده طبع اولنمشد)